

海
秋
詩
集

海秋詩集卷之十七

益陽湯鵬海秋撰

五言律詩

擬歸去來集社一百六十首

或曰擬歸去來何爲而作也僕本書生走時甚拙少而無僞長益自靡稽中散豈能七堪張平子乃有四愁雨雨風風悠悠忽忽光陰幾何志氣欲老謨謀不立聞譽徒然揆厥所由吾自昧於進退消長之幾也長夏無事心正體閒覽觀

杜甫之詩激發陶潛之興擬歸去來得一百六十首匪我點綴杜甫迺杜甫先得我心匪杜甫萍蓬身世必與我同迺我淋漓嗚咽不主故常云爾

達士如弦直皇天實照臨
侏儒應共飽出處遂何心
感激時將晚淹留冠上簪
夢歸歸未得爲憾與年深

青紫雖被體纖毫欲自矜
英靈如過隙世故莽相仍
努力輸肝膽勞歌跼寢興
蕭條益堪愧時論以儒稱

自愛各馳騫從茲正羽翰
我生無倚著吾道屬艱難
客

夜何曾著天風吹汝寒經過洞庭柳香與歲時闌
男兒行處是歲晚寸心違辜負滄洲願所思煙霞徵江
流石不轉林茂鳥知歸每欲孤飛去其如儔侶稀
賦料楊雄敵才名賈傳多世人亦爲爾吾道竟如何憶
昨狂趨走濟時曾琢磨青山若在眼且得慰蹉跎
應圖求駿馬歷塊匪輟駒禮樂攻吾短文章敢自誣所
親問淹泊用意盡崎嶇欲學鴟夷子滄浪深可逾
勇猛爲心極馳驅喪我真得無中夜舞有愧百年身勲
業頻看鏡飄零且釣緡白鷗元水宿休作畫麒麟

房杜俱交友。逢人問孔融。相哀骨可換。此日意無窮。力與願矛盾。吾將守桂叢。掉頭紗帽側。門巷落丹楓。

活國名公在。陶鈞力大哉。羽毛知獨立。禮厚媿無才。嗜酒益踈放。孤雲自往來。世情只益睡。隨意坐莓苔。

蘊藉爲郎久。衣冠與世同。仍嗔問升斗。將欲倚崆峒。干請傷直性。蹉跎效小忠。扁舟吾已就。萬里狎漁翁。

悲辛但狂顧。萍泛苦貧緣。鬱鬱流年度。悠悠何處圓。寒

魚依密藻。歸鴈喜青天。暫往比鄰去。柴荆卽有焉。

浮生看物變。及此問吾廬。野草稱偏坐。葵荒欲自鋤。高

齋依藥餌鄰舍與園蔬。狂走終奚適。人生亦有初。

侯伯知何算。乾坤一腐儒。有求常百慮。便道卽長驅。鄂

渚分雲樹。衡山引舳舻。開襟野堂豁。誰分哭窮途。

留滯才難盡。低垂氣不蘇。共誰論舊事。不必取長途。高

興知籠鳥。潛波想巨魚。誰憐一片影。樸直乞江湖。

馳驅不可說。回首意多違。羈旅推賢聖。榮華有是非。送

終惟糞土。久客掩柴扉。故老行嘆息。天隅人未歸。

官序潘生拙。鷦鷯在一枝。篋書積諷諫。樗散尙恩慈。多

難身何補。終朝悶獨思。卜居期靜處。烏几伴棲遲。

軒冕羅天闕。賢愚殊等差。方知不才者。敢憾省郎遲。受性本幽獨。憂端且歲時。欲浮江海去。質朴謝軒墀。

借問頻朝謁。宜居漢近臣。榮光懸日月。聽履上星辰。結舌防讒柄。浮生一病身。天寒不成寐。鏤骨抱酸辛。

敢料安危體。如知進退情。蜩蛇暮偃蹇。鸞雀半生成。浮客轉危坐。小心事友生。臨風默惆悵。何得尙浮名。

身世雙蓬鬢。酣歌淚欲垂。但令心事在。何用羽毛奇。應接非本性。繁華能幾時。山林託疲薾。此道未磷淄。

平生心已折。物理直難齊。束帶負芒刺。同人惜解攜。餘

生如過鳥微分是醯雞不願論簪笏清風獨杖藜
出門搔白首天地有青蠅牢落吾安放艱危氣益增且
將棋度日况挹酒如澠不阻蓬華興襟懷庶可憑
上官權許與要路亦高深困學違從衆微才謝所欽故
山多藥物碧色是松林鵲鵲雙雙舞沙邊待至今

起草鳴先路何人符大名聲華當健筆飄轉任浮生歎
意吟梁父還疑厭禰衡何時一茅屋高枕遠江聲

屢喜王侯宅空慚鴛鴦行官臣仍點染客子鬪身強東
縛酬知己端憂問彼蒼浮名尋已已回首一茫茫

慎爾參籌畫長懷禁掖垣氣衰甘少寐計大豈輕論難
拒幽明迫吾知拙養尊封侯意疎濶耕稼學山村
萬古一骸骨三年獨此心如何久磨礪渾欲不勝簪側
見寒蓬走何須白髮侵王侯與螻蟻感動一沈吟
天子多恩澤羣公各典司艱難須上策答効莫支持漫
作潛夫論多慙鮑叔知矯然江海思不是傲當時
天老書題目清襟照等夷臺郎選才俊漢閣自磷淄易
下楊朱淚兼催宋玉悲東柯遂疎懶所插小藩籬
造化鍾神秀諸公德業優四方尤所仰二美又何求經

繹固密勿瘡痍無血流。龐公任本性。江漢一歸舟。
北辰徵事業。雅望與英姿。才傑俱登用。氣酣達所爲。廟
堂知至理。凡百慎交綏。白水魚竿客。其如有別離。
卿月升金掌。田翁號鹿皮。低昂各有意。進退固其宜。憶
昨趨行殿。無勞比素絲。江村獨歸處。後會且深期。
掌握有權柄。含風綵仗高。蛟龍纏倚劍。鸚鵡啄金桃。與
宴非短褐。此生何太勞。佳期付荆楚。詩態憶吾曹。
紫鷺時翻翼。饑鷹待一呼。初欣寫胸臆。此又足驚吁。迴
出名臣上。不聞八尺軀。百年聽命定。意緒日荒蕪。

赤雀翻然至。烏鳶何所蒙。令人幾悲咤。此事終朦朧。近
髮看烏帽。呼兒問朔風。長歌意無極。苦恨耳多聾。
磊落衣冠地。乾坤定崢嶸。于今獨蕭索。始覺心和平。楚
岸通秋屐。松林駐遠情。從來謝太傅。不苟飛長纓。

夜看鄴城氣。貂餘季子裘。十年猶塌翼。一月不梳頭。欲
得淮王術。真隨惠遠遊。懶心似江水。天地一沙鷗。

自到青冥裏。祇應吾道窮。卽今千種憾。不與故園同。耕
鑿安時論。煙霏想桂叢。江湖深更白。只合在舟中。

勳庸思樹立。賢路不崎嶇。愿職漢廷久。悲涼楚大夫。何

時有終極愁絕付摧枯萬里清江上春鷗洗翅呼
已謂殷遼濶非無萬里姿商歌還入夜淚點向來垂若
負平生志未知棲集期荒林庾信宅烏鵲滿樛枝
黃鵠翅垂雨鷹愁怕苦籠浩歌淚盈把勢屈難爲功何
以有羽翼無勞問轉蓬江村意自放處處識壺公
故國悲寒望蒼生喘未蘇血流紛在眼槍急萬人呼亂
後居難定徐行得自娛終思一酩酊爲覓酒家壚
稍逼長沙館來經戰伐新化離放紅藥奔走爲黃巾卽
事須嘗膽歸溪惟病身敢爲故林主染淚在叢筠

那經喪亂後。可使營吾居。疲繭煩親故。經過嘆里閭。羣公紛戮力。百姓免爲魚。部曲精仍銳。乾坤欲晏如。

身病戎馬後。帝垂舊血痕。願聞鑄鋒鏑。隨事有田園。杖策回且暮。牛羊嶺上村。兵戈與人事。愁絕更堪論。

自年窮岫雨聲。拔洞庭湖衾。枕成無沒人。烟時有無老親。如宿昔。游子無根株。生意甘衰白。書來數喚吾。

南紀風濤壯。悲連子女號。稍梁須就列。版築不時操。土苦形骸黑。貧嗟出入勞。以茲悟生理。回首興滔滔。

水鄉龜白屋。回首一傷神。傳語桃源客。從來原憲貧。深。

耕種數畝。取用及吾身。稻米炊能白。餘波德照鄰。
今日看天意。斯人尙典型。神明依正直。遷擢潤朝廷。賤
子何人記。高山擁縣青。悄然村墟迴。接葉製茅亭。
君看磊落士。常曝報恩腮。裊裊不自畏。茫茫何所開。敢
違漁父問。頻爲草堂迴。放浪陶彭澤。浮名安在哉。
自謂頗挺出。哀鳴何所投。有求彼樂土。吾道付滄洲。風
月自清夜。園林非昔游。東陵跡蕪絕。爲客恐長休。
乾坤萬里眼。身世白駒催。何事拘形役。吾甯捨一哀。尸
鄉餘土室。揚子臥蒼苔。未覺村野醜。歸林鳥却迴。

形骸元土木涕淚在衣巾。自顧轉無趣。天高難重陳。杖藜俯沙渚。結草卽河濱。不覺羣心妬。愚蒙但隱淪。牢落乾坤大。行藏獨倚樓。飄蕭將素髮。踟躕顧長楸。事與雲水白。理爲識者籌。蛛絲小人態。談笑覓封侯。颯颯開帝眼。悠悠見汝曹。論交數憾晚。尙詐莫徒勞。魍魎移深樹。蛟螭乘九皋。防身一長劍。未與俗人操。行路難如此。霜蹄去不疑。冥冥在所往。處處總能移。在困無獨立。全生或用奇。劇談憐野逸。步履過東籬。游子慎馳騫。朱炎安在哉。榮枯走不暇。天地劃爭回。白

勝千家邑丹心一寸灰郊扉存晚計幽珮爲誰哀。
可惜歡娛地誰知消息真百年不敢料何處且依仁有。
客雖安命深慙畏損神自今幽興熟試覓姓龐人。
小人自同調君子意如何事與古先別誰憐醉後歌貧。
居類村塢力小困滄波幸近幽人屋通林帶女蘿。
生死論交地開懷無媿詞誰云遺毒螫焉得不低垂醉。
客霑鸚鵡行人避蒺藜無情移得汝吾道竟何之。
沙汰江河濁時清瑤殿深乃知苦芭輩已見直繩心茲。
理庶可廣愁來遽不禁緬思桃源內叩寂豁煩襟。

浩蕩風塵外。形骸痛飲中。畏人成小築。愁坐正書空。多
病休儒服。全生狎楚童。湖南清絕地。不擬哭途窮。
放蹄知赤驥。瑞錦送麒麟。用拙存吾道。生涯脫要津。賢
多隱屠釣。俱是避風塵。把酒宜深酌。回頭錯應人。
咄咄甯書字。悠悠滄海情。江山如有待。心跡喜雙清。惟
見林花落。何曾風浪生。彌年逐清景。多病也身輕。
向來論社稷。歛使寸心傾。弱質豈自負。先鋒孰敢爭。方
期拾瑤草。誰欲討萑荑。江國踰千里。題詩須一行。
犬馬誠爲戀。淒涼爲折腰。卽今蓬嶺改。不用楚辭招。眼

暗却見骨風生一任飄如何對搖落清影日蕭蕭
草草頻卒歲飄飄愧此身鬱陶抱長策慘澹向時人今
代麒麟閣猶多老大臣掾曹乘逸興野飯射麋新
野鴉無意緒黃雀任翩翩嗟彼苦節士徒爲百慮牽吞
聲混瑕垢發興自林泉楚岫千峰翠迢迢獨上天
正質未爲賤銀章破在腰形骸今若是日月不相饒憂
世心力弱離魂去住銷南爲祝融客未惜馬蹄遙
人生不再好遣興莫過詩回首肝肺熱都非少壯時羸
骸將何適翦伐欲無辭盛論巖中趣還丹日月遲

興與烟霞會。淡然川谷開。祇疑淳朴處。不見一人來。蒼
竹素所好。高秋念却迴。喜無多屋宇。隱類鑿顏坏。
向來幽興極。本是楚人家。道意久衰薄。吾生亦有涯。層
軒俯江壁。百草競春華。多病一疎散。銀壺酒易賒。
取適事莫並。生涯能幾何。回身視綠野。貴在映江波。佳
處領其要。清光應更多。大哉乾坤內。喧靜不同科。
儒術誠難起。清羸任體孱。不能隨阜益。自有一山川。谷
口舊相得。江頭且繫船。野花隨處發。故故滿青天。
艱難歸故里。飄泊損紅顏。同調嗟誰惜。蒼生豈重攀。名

園依綠水隱几亦青山道廣存箕頰龐公隱不還
更欲投何處俱兼山水鄉片帆左柳岸景物洞庭旁花
葉隨天意江風借夕涼神光意難候迴立向蒼蒼
雷雨蔚含蓄湖山合動搖幽花歆滿樹寒水不成潮結
纜排魚網攜錢過野橋濁醪誰造汝醉酒或連朝
策杖古樵路避風湘渚間壯心甘寂寞緩步有躋攀
率知名寺鄉園獨舊山優游謝康樂休鑷鬢毛班
南嶽配朱鳥江潭隱白蘋遠尋留藥價小睡凭藤輪
回首驅流俗低頭媿野人行行見羈束拖玉豈吾身

遠色有諸嶺江雲更對垂潛鱗輪駭浪宿鳥擇深枝世
路雖多梗躬耕也未遲敢辭茅屋漏捨此復何之

野雲低渡水山谷遠含風恣意同遠步誅茅問老翁柴
荆寄樂土衣食慰飄蓬道術曾留意丹砂訪葛洪
湖闊兼雲霧扁舟任往來野花乾更落水鳥去仍迴淺
把涓涓酒愁徵處處杯百年渾得醉何事有餘哀

生意如春昨故園今若何早花隨處發惡木翦還多秋
水漫湘竹江天足芰荷蕭疎外聲利桂檝帶酣歌
小江還積浪高枕笑浮生恕已獨在此幽居不用名紫

鱗衝岸躍白鳥去邊明水宿仍餘照漁舟個個輕

江漲柴門外雲生舍北泥惡灘甯變色福性合幽棲疎
散連草莽淹留爲稻畦猶思理煙艇時訪武陵溪

江動月移石江村亂水中舟航煩數具菱芡古今同物
役水虛照浮雲世事空休爲貧士歎涕淚落秋風

高齋常見野小水細通池竹杖交頭拄春風暖茗時江
清心可瑩雲在意俱遲向晚波微綠看鷗坐不辭

衣裳判白露舟楫有光輝霧樹行相引風花高下飛遠
慙勾漏令永息漢陰機戲問垂綸客東西消息稀

遠水非無浪。輕舟進所如。江湖多白鳥。秋雨欲生魚。浩
浩終不息。溶溶滿太虛。洞庭猶在目。萬里狎樵漁。
百舌來何處。鷗行炯自如。回塘澹暮色。別浦落紅葉。肅
肅花將晚。冷冷風有餘。本無軒冕意。興遠一蕭疎。

策杖時能出城池。未覺喧看花隨節。氣穿水忽雲根紗。
帽隨鷗鳥高。蘿垂飲猿天涯。稍矐黑。各已閉柴門。

亂石通人過清渠。一邑傳蘆花留客。晚山驛醒心泉萬
事隨轉燭。自私猶畏天勞生。繫一物宿昔浩茫然。

漁人縈小楫。下水不勞牽。野鵲頻窺草。河魚不取錢。客

愁全爲減吾道卜終焉莫問東流水江湖涕泣然

我行洞庭野轉作瀟湘游對酒都疑夢消中得自由扁
舟落吾手展席俯長流稠疊多幽事經過老自休

吾道正羈束川雲自去留孤亭淩噴薄倚杖沒中洲出
涕同斜日平生一釣舟憑誰給麴蘖一酌散千憂

野水平橋路危檣獨夜舟晚涼看洗馬杯渡不驚鷗愚
意會所適斯文去矣休幽尋豈一路不過五湖秋

山晚浮雲合庭幽過雨霑風吹花片片江白草纖纖對
此欲何適杯乾可自添濁醪有妙理不得慢陶潛

楚岸收新雨。江聲走白沙。我行何到此。乘興卽爲家。薄
俗防人面。爲農去國賒。心微傍魚鳥。萬古一長嗟。

羈絆心常折。今朝豁所思。江流大自在。樓迴獨移時。花
鳴無泥滓。蜻蜓立釣絲。柴門了事事。可以賦新詩。

江月光於水。江邊獨立時。關山同一照。花柳更無私。猿
捷難長見。鷗歸只故池。治庄且耕鑿。野老復何知。

北闕情延頸。南湖日扣舷。地晴絲冉冉。石瀨月娟娟。獨
鶴先依渚。春鷗懶避船。看君用幽意。送老白雲邊。

茅齋付秋草。樓閣寄山巔。涉徑不復取。潛通小有天。出

塵皆野鶴森木亂鳴蟬。更是無人處。獼猴壘壘懸。
汨汨松上駛。微微風動襟。絺衣挂蘿薜。挽葛上崎嶇。微
雨不滑道。孤雲無自心。哀猿更起坐。虛費短長吟。
山雲行絕塞。土燧冷疎烟。水淨樓陰直。崖排石樹圓。有
時騎猛虎。一擬問高天。飄泊哀相見。含懷覺汝賢。
衡嶽啼猿裏。茅齋八九椽。終焉託長嘯。無取愧高賢。石
徑通幽魄。蓬門啟曙烟。諸家憶所歷。不敢墜周旋。
藜杖侵寒露。書籤映隙暉。悠悠委薄俗。悄悄息勞筋。仰
羨鸛鶴矯。全生麋鹿羣。高齋非一處。隨意嶺頭雲。

惆悵難再述。幽偏得自怡。無才逐仙隱。從此數追隨。錦
里殘丹竈。耕崖進奕棋。誰云行不遠。空有鹿門期。
名園當翠巘。故里亦高桐。楚草經寒碧。山梨結小紅。桑
麻深雨露。秔稻熟天風。不負幽棲志。諫茅任薄躬。
枕簟入林僻。形骸用杖扶。誰能更拘束。亦是慰榛蕪。所
向盡山谷。相逢皆老夫。經過自愛惜。實有醉如愚。
疎懶爲名誤。含情空激揚。消中只自惜。養拙更何鄉。支
策門闌遠。空山草木長。無人競來往。白日到羲皇。
途遠欲何向。飄然思不羣。林中才有地。幽處欲生雲。徑

轉山田熟天清木葉間。草堂樽酒在涼月白紛紛。
清秋望不極。長夏想爲情。縹緲安可越。樵漁寄此生。靡
靡踰阡陌。渺渺臥荆衡。幽事供高臥。投林羽翮輕。
窈窕一林麓。斷雲疎復行。半扉開竹影。虛閣自松聲。絕
島容烟霧。幽居近物情。鄰人有美酒。堅坐看君傾。
傍舍頗淳樸。徑微山葉繁。相逢半新故。因是託子孫。洗
杓開新醞。連筒灌小園。人生許與分。亦不爲糝餐。
田父要皆去。憐君如弟兄。碧鮮俱照筓。涓滴就徐傾。意
遣樂還笑。不知死與生。何心記榛梗。因見古人情。

平生憩息地質樸古人風村鼓時時急樵聲個個同
一邱藏曲折畢景羨冲融有客過茅宇清秋鶴髮翁

苒苒谷中寺輝輝星近樓登臨自多暇感動幾消憂清
絕心有向無營地轉幽牧童斯在眼容易往來游

共指親戚大恐致稻梁難強飯蓴添滑無衣牀夜寒餘
波期救涸舊俗自相歡春日繁魚鳥登于白玉杵

永與清溪別祇令故舊傷亂離心不展踈磴道難忘對
月那無酒論文暫裹糧窮途愧知己真率意茫茫

童孺交遊盡魂傷山寂然衢尊不重飲桶井尙高攀返

照斜初微寒花亦可憐繁憂不自整落樹有驚蟬

回首追談笑江橋春聚船見知真自幼解纜不知年久
客宜懸旆歸山買薄田別離傷老大把酒意茫然

憶爾才名寂江邊歲月長文章千古事臥病一秋強翠
栢深留景丹楓不爲霜驚騰訪知己花嶼讀書牀

秋晚獄墻翠讀書秋樹根風流散金石浩蕩問詞源時
見文章士而無車馬喧楚材擇杞梓妙絕與誰論

故人湖外客朱紱有哀憐嘆息腸內熱棲遲病卽痊及
乎歸茅宇吾亦沼清泉常憾結懽淺端居茗續煎

舊好何由展來書細作行轉蓬憂悄悄撫事淚浪浪庶
往共饑渴長歌激屋梁百年嗟已半似惱鬢毛蒼

昔年有狂客頭戴小烏巾頗怪朝參懶終爲江海人誓
將與夫子結愛獨荆榛種藥扶衰病蒼然猶出塵
野日荒荒白津流脈脈斜落帆追宿昔爛醉是生涯世
已疎儒素我何良嘆嗟只應與朋好悄悄憶京華

事主非無祿養親惟小園偶然存蔗芋自足媚梓殮倚
杖看孤石從兒具綠樽眼前無俗物旭日散鷄豚
但求椿壽永烹鯉悶沈綿送此齒髮暮來因孝友偏老

思。銘。竹。杖。野。曠。舞。衣。前。委。曲。承。顏。體。河。陽。實。少。年。
重。憶。羅。江。外。無。由。弟。妹。來。側。身。千。里。道。回。首。一。悲。哀。風。
雨。嗟。何。及。榮。枯。劃。易。該。友。子。皆。挺。拔。畫。荆。莫。遲。回。
舍。弟。卑。棲。邑。寒。江。動。碧。虛。艱。難。隨。老。母。風。俗。富。園。蔬。慰。
我。深。相。憶。含。悽。意。有。餘。沈。思。歡。會。處。高。枕。乃。吾。廬。
坐。諸。疎。懶。叔。安。得。酣。歌。眠。麤。飯。依。他。日。茅。茨。寄。短。椽。所。
過。頻。問。訊。爲。客。費。多。年。小。子。何。時。見。蒼。茫。汎。愛。前。
所。來。爲。宗。族。寄。食。一。家。村。農。月。須。知。課。詩。書。自。討。論。追。
隨。飯。葵。羹。歸。老。任。乾。坤。服。禮。求。毫。髮。家。聲。庶。已。存。

太息謂妻子。悲風稍稍飛。漂然薄游倦。似有故園歸。事跡無固必。奸雄多是非。高空得蹭蹬。未敢羨輕肥。

生理焉得說。衆雛還識機。遙憐小兒女。可與春風歸。處處鄰家笛。輕輕花絮飛。忍爲塵埃溼。清曠喜荆扉。

浮舟出郡郭。吾道長悠悠。一縣蒲萄熟。青天江海流。况資菱芡足。各有稻粱謀。必驗升沈體。河間雙白鷗。

昔別是何處。人今亦故亭。野畦連蛺蝶。日暮拾流螢。挂壁移筐果。充饑憶楚萍。坐閒桑落酒。愁與醉無醒。

我圃實蒼翠。淹流見俗情。宿陰繁素棕。半濕搗香杭。未

必不爲福深憑送此生傷哉文儒士高興激荆衡
性亦嗜醇酎家纔足稻粱客來具梨棗地僻懶衣裳物
色兼生意安貧亦士常若爲心厄苦颯颯鬢毛蒼
簡易高人意黃冠歸故鄉寸心亦何有自適固其常病
枕依茅棟屑冰延藥方兼將老藤杖慘澹蟠穹蒼
輕帆好去便倚杖更裘袞紅浸珊瑚短黃知橘柚來有
能市駿骨自晒同嬰孩相閱征途上探腸有福胎
騎馬尋春徑呼兒正葛中未遑等箕頽幸各對松筠神
物有顯晦無心恥賤貧年荒酒價乏儒術豈謀身

誰能解金印。眞作野人居。落日邀雙鳥。催尊煮白魚。興移無灑埽。臨眺獨躊躇。澗水空山道。平生意有餘。

行潦相虺蹙。荒堦蔓草茅。日斜魚更食。棧缺燕添巢。行路難何有。生涯未卽拋。暮年甘屏迹。惟有此江郊。

稍稍烟集渚。團團日隱牆。荆扉對麋鹿。江檻俯鴛鴦。紅入桃花嫩。青懸薜荔長。入門四松在。老樹飽經霜。

杖藜尋晚巷。整履步青蕪。白日遞隱見。稀星乍有無。百年歌自苦。永夜月同孤。沒齒埋冰炭。甯詮品命殊。

養拙蓬爲戶。長吟野望時。村疎黃葉外。天遠暮江遲。肅

肅花將晚欣欣物自私。庭前有白露。露灑裊新詩。
忡忡去絕境。鬱鬱回剛腸。問俗人情似吟詩。秋葉黃。鴟
雞號。枉渚蚯蚓上深堂。枸杞因吾有。抽梢合過牆。
柴門雖得去。漁父忌偏醒。落日心猶壯。同憂歲不甯。幾
時來翠節。誰定握青萍。磨滅餘篇翰。悲歌在一聽。
莫怪恩波隔。應耽野趣長。勞心依憩息。痛飲信行藏。秋
水通溝洫。春星帶草堂。賤夫美一睡。不復辨晨光。
養拙江湖裏。信甘孱懦嬰。客愁殊未已。春日復含情。茅
屋雖難葺。朝廷誰請纓。以茲報主願。寂寞壯心驚。

漠漠虛無裏。蕭蕭荆楚秋。艱難昧生理。老病有孤舟。落
景間寒杵。開箱睹黑裘。大庭終反樸。不必淚長流。
晚節嬉游簡。乾坤一草亭。甘從千日醉。臥此片時醒。時
議歸前列。孤槎自客星。風牀展書卷。編簡爲誰青。
伊呂終難降。風雷肯爲神。及茲嘆冥漠。回首大江濱。人
遠鳬鴨亂。樓頭燕雀馴。物情尤可見。獨泣向麒麟。
薄劣慚真隱。心肝奉至尊。恩波延揭厲。世事與誰論。柔
櫓輕鷗外。柴門老樹村。居然成獲落。何事卽飛翻。
鸚鵡含愁思。麒麟帶玉除。如今足斟酌。只有不關渠。營

葺但草屋江山已定居。孤光隱顧盼。迴向心地初。
茅屋還堪賦。他山自有春。杖藜復恣意。落日未逢人。
百舌欲無語。黃鸝不露身。豈伊常情度。爲汝鼻酸辛。
浩蕩無與適。招尋興已專。鶯花隨世界。鷺浴自晴川。
醒酒微風入。支牀錦石圓。斯游恐不遂。何日是歸年。
哀傷同庾信。飄泊問君平。易識浮生理。終能永夜清。
雞鳴猶曙色。鷗泛已春聲。謝爾性有適。蕭條病轉嬰。
客裏何遷次。余藏異隱淪。不關輕紱冕。足以靜風塵。
野興每難盡。詩成覺有神。風騷共推激。萬事益酸辛。

海秋詩集卷之十八

益陽湯鵬海秋撰

五言律詩

咄咄

咄咄魯儒服。栖栖漢署郎。是非催鬢白。歌哭雜塵黃。且酌步兵酒。聊寬吏部腸。紫藤花樹下。倒臥見斜陽。

村行

盡日無風雨。村行緩緩將。漁樵爲我揖。猿鶴與人忘。溪活芙蓉綠。山深秔稻黃。桃源疑可接。去矣白雲長。

秋望

秋色一千里。秋心決莽中。雲霄盤老鶴。關塞極征鴻。野
潤煙難暝。天青樹易叢。似聞西嶺畔。采藥有仙翁。

聞蟬

秋老渾如夢。枝高無限風。四圍蟬送響。萬古淚俱紅。薄
翼長欹柳。愁唫只抱楓。聲聲訴何事。付與夕陽中。

客至

孤念百無著。曉風微有寒。時來青眼客。歌入白雲端。天
意催人事。新愁倚古歡。飄飄塵土外。誰要夢邯鄲。

家書

天北望天南。征鴻未可探。十年湘水怨。萬事旅人驂。白髮庭幃健。紅顏弟妹慙。家書長闕絕。對酒豈能酣。

漫興集杜四十八首

併序

余既擬歸去來百六十首。胸中之言不能盡也。取杜詩再諷誦。得前漫興中漫興後漫興共四十八首。與百六十首不復一語。我心無窮。杜詩更無窮。吁。可怪也。

前漫興十六首

大雅何寥廓。載驅誰與謀。路難思共濟。心弱憾知愁。力
疾坐清曉。天寒耐九秋。每于百寮上。誰憫敝貂裘。
恩榮同拜手。奏賦入明光。社稷經綸地。風流漢署郎。無
錢從滯客。鳴笛竟霑裳。匣裏雄雌劍。誰憐屢舞長。

鼎食爲門戶。豪家意頗濃。未能易其節。不敢強爲容。經
濟慙長策。衣冠起暮鐘。不才名位晚。應合總從龍。

出入並鞍馬。鶯歌暖正繁。聞君已朱紱。他日有殊恩。報
效神如在。官高何足論。深衷見士則。風雅藹孤鶩。

屢食將軍第。秋天憶射鵰。望呂葛自是一嫖姚。交

合丹青地相於契託。僥吾徒自漂泊。側腦看青霄。
北斗司喉舌。公含起草姿。獨逢堯典日。不媿史臣詞。鑒
澈勞懸鏡。飛棲假一枝。草黃騏驥病。人有甚于斯。
我丈時英特。東方領搢紳。李邕求識面。鄭驪正留賓。用
意崎嶇外。時邀江海人。義聲紛感激。國與大名新。
沈吟聊自遣。壯士耻爲儒。俯視萬家邑。默思失業徒。食
恩慙鹵莽。削跡共艱虞。痛哭厚土熱。茫然阮籍途。
歎息腸內熱。開樽獨酌遲。豈無濟時策。耻以風病辭。自
顧亦已極。哀歌欲和誰。猶殘數行淚。却怕有人知。

詩。憶。傷。心。處。耳。從。前。月。聾。方。圓。苟。齟。齬。時。菊。碎。榛。叢。已。
用。當。時。法。則。知。潤。物。功。由。來。強。幹。地。永。永。垂。無。窮。
吏。隱。適。情。性。檢。身。非。苟。求。經。綸。亦。俱。有。感。動。幾。銷。憂。全。
命。甘。留。滯。隨。時。成。獻。酬。差。池。分。冕。組。行。止。各。雲。浮。
肅。肅。自。有。適。飄。飄。青。瑣。郎。看。君。多。道。氣。雅。節。在。周。防。登。
壁。排。霜。劍。高。談。隨。羽。觴。行。諸。直。如。筆。列。宿。頓。輝。光。
親。朋。滿。天。地。來。往。亦。風。流。曹。植。休。前。輩。潁。川。何。以。酬。此。
時。同。一。醉。老。氣。橫。九。州。忍。斷。盃。中。物。其。如。歸。白。休。
有。美。生。人。傑。寰。區。望。匪。他。到。今。事。反。覆。亦。恐。歲。蹉。跎。默。

識。蓋。不。早。勞。生。共。幾。何。披。顏。爭。倩。倩。魑。魅。喜。人。過。
陷。此。膠。與。漆。交。親。氣。槩。中。吁。嗟。爲。之。久。談。笑。偶。然。同。白。
小。羣。分。命。驚。駘。怕。錦。幪。胡。爲。足。名。數。太。簡。遂。匆。匆。
鬱。鬱。苦。不。展。飄。飄。客。子。蓬。應。論。十。年。事。那。免。白。頭。翁。短。
褐。風。霜。入。憑。軒。心。力。窮。舉。飛。欲。何。待。倚。劍。短。亭。中。

中漫興十六首

天。子。渴。垂。拱。逢。人。問。幾。賢。終。依。古。封。建。會。是。正。陶。甄。素。
節。相。照。燭。朱。絲。有。斷。絃。吁。嗟。公。私。病。何。以。報。皇。天。
艱。危。叅。大。府。驚。代。得。麒麟。夾。輔。待。所。致。乘。時。各。有。人。迺。

知封土質直取性情真賢者貴爲德誰將此義陳

四

數論封內事下憫萬民瘡藉甚黃丞相世賢張子房陰
陽一錯亂羽翮困低昂却寄雙愁眼神功接混茫

守道不封已濟時信良哉方當節鉞用莫使棟梁摧盤
錯神明懼形容老病催看君話王室吾意獨憐才

南方瘴癘地澤國遶回旋擺豁盤渦沸黎元疾苦駢前
籌自多暇名器重雙全惠愛南翁說長吟不世賢

蛟鼉好爲祟嗟爾太平人吳楚東南坼瘡痍府庫貧
知風化首復覩耕桑民實欲邦國活天中貢賦均

開府當朝傑。從容仰廟謀。恐乖均賦歛。獨立萬端憂。進退委行色。安危在運籌。非無江海志。欲罷不能休。

誰繼方隅理。新兼節制通。隄防舊風俗。祈請走兒童。齒髮已自料。經書滿腹中。區區甘累跡。總作白頭翁。

五嶺炎蒸地。蒼茫鬪將辰。廟謀蓄長策。盜賊本王臣。孰與關張並。兼全寵辱身。謬知終畫虎。爲汝鼻酸辛。

不息豺虎鬪。貪看絕島孤。兵戎况騷屑。反覆乃須臾。顧步獨紆鬱。此生免荷戈。挺身艱難際。慘澹閱陰符。

巴蜀愁難語。驅驅爭奪繁。兵戈浩未息。盜賊爾猶存。獨

坐親雄劒誰能叫帝闈。凶兵鑄農器一勝何足論。
羣盜久相踵。踟躕此驛亭幾時回。節鉞不可無雷霆舞。
劍過人絕提刀見發礪。總戎備強敵鯨力破滄溟。
勝決風塵際情依節制尊濟時敢愛死。世事因堪論主。
將歸調鼎儒流不異門。憂來杖匣劍偃仰淚潺湲。
猛將收西域丹青憶老臣。勞心練征戍自昔有經綸戎。
馬今何地軍須遠。籌繡蕭蕭古塞冷。側望苦傷神。
鼓角緣邊郡來經戰伐新兵戈猶在眼。謀拙竟何人萬。
姓始安宅蒼生倚大臣。今君渡沙磧白髮好禁春。

封內如太古扶持在數公。豫章深出地。畋獵舊非熊。爲
畫長久利。兼存翊贊功。我生性放誕。猶作一飄蓬。

後漫興十六首

浩蕩難倚賴。高秋心苦悲。文章日自負。蹭蹬多拙爲。何
補參軍乏。虛傳幼婦碑。年年小搖落。多病鄴中奇。

溟漲本末淺。子山舊業傳。神融躡飛動。端雅獨條然。海
內知名士。人間好妙年。百憂復相襲。無計勵龍泉。

學立游夏上。書偕褚薛能。紫厓奔處黑。碧海濶逾澄。藻
翰惟牽率。詞場愧服膺。竟無宣室召。丹極上鵬鵬。

書亂誰能快吟多意有餘悠然想揚馬曾是接應徐識
字用心苦傷時會合疎青冥卻垂翅內熱比何如
作歌挹盛事每夜吐光芒筆力破餘地篇終接混茫文
章差底病行止憶垂堂飄泊欲誰訴增寒抱雪霜
精理通談笑詞場繼國風晚看作者意恥與萬人同擺
落嫌疑八周流道術空微生猶忌刻青眼只送窮
草元吾豈敢青簡爲誰編妙取筌蹄棄音知燥濕絃灰
爲後輩鬻萬一故人憐倪倂俱蕭瑟喧爭嬾著鞭
詩是吾家事聰明達所爲是非何處定得失寸心知枕

籍皆禁。嚮光芒。刷羽儀古人。不可見涕瀝。亂交頤。
名豈文章著。心從弱歲疲。森然起凡例。歷代各清規。追
琢山岳銳。餘波綺麗爲。乃知蓋代手。慷慨有餘悲。
十五高文史。啖侯筆不停。清心聽鳴鏑。一字偕華星。詞
賦工無益。乾坤水上萍。窮秋正搖落。烈士涕漂零。
清峻流輩伯。操持郢匠斤。合分雙賜筆。重與細論文。毫
髮無遺憾。哀多如更聞。文傳天下口。不見比封君。
獨步詩名在。休牽衆眼驚。永懷江左逸。甘似魯諸生。慷
慨嗣眞作。波瀾獨老成。文章憎命達。短髮寄簪纓。

數篇吟可老。意度不無神。俊拔爲之主流傳。必絕倫。向來披述作。固合嬰飢貧。自媿無鮭菜。哀音何動人。自我一家則。大哉萬古程。文包舊史善。律中鬼神驚。法自儒家有人傳。世上情徒懷貢公喜。朱紱貧平生。

感激動四極。含懷話苦辛。文章亦不盡。事業暗相親。天意難告訴。儒冠多誤身。十年嬰藥餌也。復可憐人。滿日悲生事。題詩好細論。有才繼騷雅。作客信乾坤。竟掩宣尼袂。遙憐湘水魂。氣彫眉賈壘。江上問詞源。

乙未八月二十五日次兒健昭殤哭之六首

嗚咽傷心淚。踟躕繫肘方。鯉庭千載憾。驥子五齡殤。惡
痘先天毒。清秋滿地霜。悲風知我意。烈烈夜何長。
扶行猶昨日。卧病幾終朝。輾轉欲何向。呻吟總是嬌。牀
陰連蟋蟀。屋角落鴟梟。垂死翻成啞。悲呼但手招。
骨相汝誰優。麒麟是匹儔。偶從天上落。肯向世間留。忽
忽心如失。盈盈淚莫收。三號成萬轉。縹緲不回頭。
意外來生死。愁中說短長。塵緣吾自幻。木葉汝俱黃。室
閭藏魍魎。天寒弔鳳凰。何時入孩抱。灑淚向穹蒼。
汝姊衣袖溼。汝兄形影單。霜深刀剪歇。秋晚棣華寒。薄

祚遭醫拙精心禱佛難鳳毛斯已矣悔憾幾千端

英物不數見悲聲如此酸百年吾漸老萬想夜都攢夷

甫鍾情易延陵莖骨難何由附阿母封瘞楚江干

余不忍愛

骨暴露異鄉必偕
瑞華視歸葬長沙

再哭健昭六首

歷歷世間事迢迢心上愁荆釵不可見玉樹豈能求薄

命珍遺骨瑞華垂死諄囑健昭不休悲風攪暮秋九泉

逢汝母生死話綢繆

雉操方停日鸞膠乍續年我心誓吉甫汝孝類公權灑

埽供晨夕歌呼見性天病深愁不起顧我涕漣漣

頭角崢嶸際心期浩蕩中畱畬收六籍閱閱兆三公颯
颯秋風惡茫茫淚眼紅巫咸不省事悲喜總何窮

咄咄傷心處橋邊與砌邊
貓花噴雨騎馬柳橫煙
采菊能盈袖拔葵自比肩
只今苔蘚綠一步一憂煎

招魂禪室是

瑞華厝長椿寺附健昭柩于旁

扶杖洞庭非

健昭生時得詩兩章末云

羽翼儼成年齒長進退無時卜存亡有淚揮蚌珠心漫

好扶吾杖洞庭歸

許烏哺力應微天遣浮邱子憂愁減帶圍

杳杳思泉路荒荒接夢魂
英靈依楮墨嬉戲覓琴樽
死

去其能奈生還未可論。二雛今折一慟哭。撼乾坤。

瑞華宜人歿已週歲。用偕新婦瓊華暨子叔昭女
蘭昭蕙昭蘅昭菁昭祭之於長椿寺時次子健

昭殤已一月因並哭之而誌以詩

地下沉淪久。人間伉儷長。一年無限事。萬淚不成行。物
換存羅帶。天寒薦酒漿。誰憐小兒女。哭母寺雲黃。

宛轉存遺囑。蒼茫難重陳。新聲引鸞鳳。惡夢失麒麟。

瓊華

夢中與瑞華爭健。昭瑞華欲携之往。瓊華故訶之止。如
是者再既而健。昭果以痘殤。余且悲且疑。瑞華實教余
以兒女付瓊華。今月黯。心情幻。霜清涕淚新。併將悲與
奪。健昭是何意耶。

怨訴向九泉人。

由戶部轉御史臺例不復值樞禁

忽忽乘驄馬蒼茫指劍鐔。皁雕騰顧盼秋隼出。嶮嶮汲黯今誰是張衡。意不禁詞頭何用憶。寥落紫泥金。

在御史臺一月以言事回戶部

一疏達天闡飛騰白簡霜。臣心無曲折。

主德有包荒浩蕩威兼愛。蹉跎老作郎篋箱。餘諫草磨滅付斜陽。

畏暑簡慧裕亭庶常兼紫飲

赤日挾狂飈。商羊不可招。民枯慙問俗。官嬾苦纏疇。
穢喘人慣瀛洲。覲面遙寄聲。金馬客洗盥。是何朝。

喜陳登之別駕到都

秋色滿天地。君從何處來。風塵趨走日。淮海轉輪才。
驥足空餘子。燕山有舊杯。相逢心款款。離合兩裴回。
念子酣歌日。文章老劍鋒。天空刷鷹隼。秋曉擢芙蓉。
罷讀心如擣。趨公性未慵。酒醒談出處。往往涕龍鍾。
我亦蹉跎者。馮唐老可憐。伏蒲思諫諍。戢翼失飛鸞。
風雨調情性。詩騷鎮歲年。平生奇崛意。今日轉茫然。

海內論車笠。欵歔半不禁。翩翩素衣化。慘慘白頭吟。延尉方嘲客。中郎自賞音。故人天外至。秋雨一披襟。聞汝在南國。能名貳潁川。榮分刺史半。勞比衆人先。世事須肩荷。吾儕豈命邇。娟娟新沐浴。整珮好朝天。

送崇有堂明府

忽忽告將別。依依已二年。萍蓬逢老友。書史愜真詮。秋興關河迴。官隨雨露偏。送君須一醉。明月爲誰圓。憐汝挾天筆。風雲颯沓來。鬚眉疑綺季。冠珮上蓬萊。霄漢飛甯晚。神仙謫可哀。百年真學道。未枉武城才。

去去欲何向。終南鎖暮霞。城池分一縣。童叟幾千家。俸薄堪沽酒。庭閒且種花。偶然張皂蓋。野外勸桑麻。摧折誰如我。飄零愧此心。虛名騰羽翼。直道負纓簪。已矣洛陽策。佳哉子賤琴。看君多古意。仁問滿雕陰。秋色尋常見。其如怨別何。三秦天縹緲。一劍事蹉跎。痛飲看周易。餘才託楚歌。只今吾尚健。後會鬢應皤。

寄陳荔莊別編

秋雨日蕭蕭。思君不可招。錦衣瓜步月。桂楫廣陵潮。天遠音書濶。時違鬢髮焦。伏蒲心已矣。端莫易芻蕘。

憶昔追從日風雲滿薊城酒杯乾綠蟻詩句掣長鯨一
別情何限三秋淚飽傾天高鴻雁急獨向大江行
後會知何地前期未敢忘簪裾存古道肝膽淬秋霜今
我方摧挫吞聲寄慨懷敝貂誰顧惜了了悟行藏

丙申八月十二日送舍弟鴻攜亡荆瑞華暨殤兒

健昭之柩由通州買舟南下歸殯益陽悽然賦

詩三章

黯淡長椿寺三年恨未歸雨荒拋短佩霜急點空幃故
劍無生死佳城有是非益陽先塋在松櫨大於園

我舸迢迢下長江。萬里濤芳魂殊浩蕩。愛骨與遇遭秋。
老鳳雛折天青馬鬣高九原。還有子依傍故山蒿。
鵲鴿知急難涕泣。且長征死別還生別。秋聲雜哭聲西。
風。妻子骨南國。弟兄情。姜被何年共。吾應老薊城。

送江龍門孝廉

滿眼蹉跎客。浮名浩蕩愁。塵沙低杞梓。風雪老驂騑。已
矣復何歎。飄然不可留。皖公山色好。一杖快行游。
念子櫟陽去。迢迢慕隱居。性情元不俗。泉石故相於。怪
我窺麟閣。窮年攬豹祛。行藏難一概。握手幾踟蹰。

送熊璧臣太守

海內論豪俊。驚騰有故人。揮金同劇孟。投轄想陳遵。歲
月官資滿。江山客思新。北風驅五馬。珍重報恩身。

送黃香鐵孝廉

去去輪蹄遠。茫茫天地秋。風霜蓬鬢短。楊柳薊門愁。郭
隗可才難。盡張衡甫亭淚。莫收銜杯重。懷惻送子海南頭。
可歎勞勞者。天涯滯幾年。塵埃埋姓字。圭組傲詩篇。官
阻麒麟閣。家依苜蓿田。鐵樓今好在。木石總悠然。
侘傺今如此。得歸甯不歸。尊鱸隨野艇。鷄犬滿巖扉。獨

往無離。合空山。少是非。回頭笑羈絆。未敢逐輕肥。
我家萬里外。南向思紛紛。青草湖邊月。浮邱嶺上雲。羈
離因薄祿。驪雅忝多聞。擬學鴟夷子。江湖道不羣。
安得雙黃鵠。飄飄作遠游。子尋羅浮杖。我買洞庭舟。諫
草韜彤管。才名老黑裘。行藏渾不定。執手淚橫流。
避人且疏豁。垂老慎幽悒。薊子元耽道。壺公自信天。海
驅狂鱷走江伴。老鷗憐載訪。葛洪術丹砂。可駐年。
滿眼還鄉樂。渾忘行路難。羊城仙客跡。馬頰腐儒餐。山
峭時移石。樓平獨倚欄。不須悲北客。人事飽鹹酸。

歷歷經離別。愁腸九轉輪。苦傾燕市酒。沈醉嶺南人。天
濶鴻飛疾。秋高馬骨新。重逢問何所。萍梗總悲辛。

送曾曉滄孝廉

怊悵論文地。崢嶸倚馬才。江河千里瀉。霹靂九天來。獨
抱蔡邕筆。空瞻郭隗臺。回風吹急雪。賦別幾裴裛。

去指皖江道。搖搖梅柳春。太湖紅雨過。天柱白雲新。陸
暢携佳婦。區宏訪老親。草元吾意嬾。誰是問奇人。

疇昔鎖闥中。璠璣二妙同。

兼謂武林
葉生世圻

新文皆鶚薦。老眼未

龍鍾。懷古鬚眉白。哀時涕淚紅。慇懃狂簡士。分手憾征

蓬

風雲看偃蹇。身世與裴衷。諫諍非吾事。磨礱望汝才。那堪蕭瑟地。還把別離杯。養望知何處。悠悠江海隈。行矣但努力。悲歡勿重陳。乾坤存健筆。山水結比鄰。甕有陶潛酒。衣無庾亮塵。吾當跨黃鵠。訪汝大江津。

林少穆中丞入都喜而有作四章

今代論梁棟。蒼茫管樂才。

九重求治急。開府帶春來。日近麒麟閣。天高鵷鵠臺。定知前席語。款款贊康哉。

浩蕩姑蘇國前籌意較然瘡痍悲赤子經緯上青天華
髮年年老清名箇箇傳樸忠多事業允矣晝淩烟
喔喔鷄籌曉戔戔虎節身春濃九華殿

帝契四知人北海聲名大東方獻納新數論封內事鐘
鼎載精神

憶昨裴裒久鴻魚破寂寥篋箱積書札意氣薄雲霄春
滿蕭公笏秋寒季子貂蹉跎慙見面朽質颯颯颯

古意

誰識湖湘子行藏涕屢霑匡時輸汲黯解組擬陶潛生

海秋詩集卷十八

五

計樽中酒酣歌架上籤百年惟古意清切自針砭

放意

近擬風騷作千篇鬱古香杜陵詩是史王續醉爲鄉放
意從潦倒知音憾森茫吾應避霜雪不遣鬢毛蒼

送程桐舫駕部歸

傷心趨走地寥落遂初人只有程夫子飄然脫要津漁
樵斯在眼山水自爲鄰丁却鷄蟲債端稱懷葛民
放浪陶彭澤銜杯阮嗣宗百年惟痛飲三徑自孤筇塵
土渾無夢烟霞但有蹤世人休問訊憂樂意長慵

聖朝無弃物耕釣豈終年白髮庭幃健青山隱遯便只
知供菽水不是傲凌烟心跡雙清處迢迢肯問天
余亦瀟湘客淹留不可云蹉跎存直道骯髒倚斜矐感
子執高義抽身向白雲行藏難一概愁坐思紛紛

寄周敬修方伯

吾愛周夫子英風倚劍開精神儲虎氣遭際挾龍媒子
產歌誰嗣夷吾挺異才誰令皖公國戶戶剪蒿萊
遷擢尋常有丁甯

簡在新絲綸頒五色旌旆轉三秦月照潼關驛春流涇

水濱此邦真有福使者本賢仁

惴惴驚寶巧騰騰虎節高松樟元有骨薏苡不成譖分
陝街

恩命前籌報

聖朝西瞻沙漠外兵氣儼全銷

慷慨論知己崢嶸倚斗魁伊周自公等屈宋老吾才心
理澄餘滓詞鋒擺怒雷萬緣吾已謝騷雅未應灰

喜李雙圃廉訪到都

惆悵當年別纏綿兩地情每呼翠微月遙寄豫章城浩

浩鴻千里寥寥蟻一觥。及茲重見面。劍氣名崢嶸。
看君妙爲政。名譽滿江關。絢爛貂蟬貴。艱難鬢髮班。濟
時存惻欵。掌節活惛鰥。努力輸籌策。淒烟畫可攀。
今代論湖楚。飛騰大有人。梗楠支巨室。旌旆照青春。
時事須公等。官聲起要津。腐儒無比數。自署葛天民。
相見興滔滔。悲歡指二毛。可憐誇骨鯁。未敢憶風濤。
性命研周易。文章續楚騷。君平何用卜。突兀倚官曹。

贈張詩船觀察

四月南風發。飛騰見使君。劍吹關塞霧。衣雜海山雲。
翰

輓誠餘事崢嶸故不羣卽看宣室召

天語豁殷勤

憶昨司樞禁魁梧燕許才朝飛紫泥詔夜把碧筒杯
一別情何限千秋理自該濟時俱慷慨努力畫麟臺
斷送嚴遵卜荒唐汲黯名獬冠吾自禿犀帶子方柴鉛
槩平生事簪纓世上情共須攀屈宋騷雅吐荃蘅
聞道新詩好東人箇箇傳蒼茫存老杜瀟灑出青蓮海
內論詞伯誰當近古賢意思拋簿領酌晚花前
人不得富海驪前輩消息書此奉寄

憶昨歡娛地。論交氣概中。不才方附驥。老輩本非熊。
別愁關塞三年獨。雨風心心問。雄劍。惻惻。雨情同。
開府丹青遍。旌旗上九霄。新鸞秦嶺月。舊枕浙江潮。
霜霰催華髮。功名問斗杓。近傳封內事。歌舞劇扶搖。
我本勞勞者。雕蟲三十年。青藜非夢想。黃絹此摩研。
藻鑑懷疇昔。蓬心嬾策鞭。徒存貢公喜。寂歷抱貂蟬。
西望潼關驛。重雲不可開。每呼太華石。飛過翠微來。
展麒麟畫情。餘鸚鵡杯。無令雙鯉笑。書此豁裴裛。

酬潘四梅刺史

落落論壇坫拳拳憶典型曹劉開闢奧韓杜走風霆我
友四梅子天涯一扣扃把君詩夜讀窗月逗流螢

君自一家則清新半古香峨嵋倚天半菡萏擢波長倒
屣新攜手揮毫歛吐芒楚騷吾國脈弔古兩茫茫
突兀浮邱子才名三十年壯心愁折耗小技強雕鐫詩
好騰羣笑官閒了宿緣久無飛動意見汝一礪礪
贈我詩何健瓊瑤咳唾中誇揚真意在俛仰古人同斗
轉慙瞻北川流許到東應須苦努力搦筆倚長虹

寄怡悅亭方伯

不見平生友。迢迢幾歲年。山包洞庭濶。城隱闔閭偏。旌
旆依。

宸極經綸慕古賢。東南民物在赤手。挽青天。

憶展絲綸簿。心知有用才。

帝。褒。誠。挺。拔。吾。意。與。崔。嵬。爛。漫。成。知。已。飛。騰。倒。舊。杯。如。
何。久。遼。瀾。天。末。雨。裴。裒。

顧。愚。何。所。似。骨。鯁。只。成。羞。汲。黯。消。磨。久。張。衡。錯。莫。愁。故。
人。多。澹。漠。君。子。獨。綢。繆。每。爲。雙。魚。到。拳。拳。涕。泗。流。

甚。欲。遠。相。訪。山。川。縹。緲。中。何。時。一。樽。酒。高。唱。大。江。東。郡。

送餘杭雨亭迴笠澤風使君閑暇日臨眺獨瓏璵

寄黃蘭坡大令

側聽王喬舄飛騰有令名聰明似冰雪咳唾此竽笙江國存知己天風吹遠情遙遙雙皂蓋徙倚闔閭城

浩浩關河隔茫茫煙霧青安能騎白鶴重問古華亭于時

蘭坡攝上海鴻鯉頻消息山川自杳冥幾時杯再把握篆係古華亭

手慰伶俜

問我官何似艱難蓋有焉功名慙白簡泉石阻青年吾道方嘗膽君才好著鞭行行樹佳政端不讓淩煙